

ჟურნალის სარედაქციო კოლეგიისაგან

გათვალისწინებულია ჩვენი ყოველკვარტალური ჟურნალის მომავალ ნომრებში სისტემატურად გამოქვეყნდეს სამ თვეში ჩატარებული საზოგადოების ყველა სხდომის გაფართოებული ანოტაცია და ინფორმაცია საზოგადოების მიერ განხორციელებულ სხვა საინტერესო ღონისძიებებზე.

ჟურნალის პირველ ნომერში შეუძლებელი იყო 1 წლის მანძილზე ჩატარებული საქმიანობის სრული მომხილვა, ამიტომ სარედაქციო კოლეგია შემოიფარგლა არსებული მასალის შემჭიდროვებული ინფორმაციით.

**საქართველოს აკადემიკოს გრიგოლ მუხაძის სახელობის
ქირურგთა სამეცნიერო საზოგადოების
2015 წლის მუშაობის ანგარიში**

**REPORT OF WORKS CONDUCTED IN 2015 OF
ACADEMICIAN GRIGOL MUKHADZE SCIENTIFIC SOCIETY OF SURGEONS**

რეზიუმე:

ქალაქ თბილისში ჩატარდა საზოგადოების ერთი დამფუძნებელი და 10 სამეცნიერო სხდომა, სადაც გამოტანილი იყო კლინიკურად საინტერესო და იშვიათი შემთხვევები და რამოდენიმე მოხსენება ქირურგიის აქტუალურ საკითხებზე.

ასეთივე კონფერენციები ტარდებოდა ქვეყნის რეგიონებში: ქუთაისში, ბათუმში, ზუგდიდში, რუსთავში და სხვა.

საზოგადოების რამდენიმე სხდომა მიეძღვნა ღვაწლმოსილი ქართველი მეცნიერი - ქირურგების თენგიზ ახმეტელის, სერგო ხუნდაძის, და ირაკლი მგალობლიშვილის ხსოვნას.

საზოგადოებას აქვს მჭიდრო კავშირი ქირურგიული პროფილის დარგობრივ ასოციაციებთან უკვე ჩატარებული ერთობლივი სხდომები: ონკოლოგების, რადიოლოგების, ინტერვენციული რადიოლოგების, სისხლძარღვთა ქირურგების, პროქტოლოგების, ტრანსპლანტოლოგების და ესთეტიური და რეკონსტრუქციული ქირურგიის ასოციაციებთან.

საქართველოს ხუთ რეგიონში შეიქმნა საზოგადოების ფილიალები, რამაც მნიშვნელოვნად შეუწყო ხელი ქვეყნის ქალაქებსა და რეგიონებში თანამედროვე ქირურგიის მიღწევების პროპაგანდასა და მათ დანერგვას.

პრეპტიკული და მეცნიერული ქირურგიის განვითარებაში გაწეული განსაკუთრებული დამსახურებისათვის ფრანგი პროფესორი ებაა საბრი, და ქართველი ღვაწლმოსილი ქირურგები, პროფესორები: თინა ურუშაძე და ბესიკ იაშვილი არჩეულ არიან საზოგადოების საპატიო წევრებად.

Summary

In city Tbilisi were held one constitutive and 10 scientific meetings of the Society, where were reviewed clinically interesting and rare cases and several reports on current issues of surgery.

Similar conferences were held in the country regions: Kutaisi, Batumi, Zugdidi, Rustavi and others.

Several meetings of the Society were dedicated to the memory of the honoured Georgian scientist-surgeons Tengiz Akhmeteli, Sergo Khundadze and Irakli Mgaloblishvili.

The society also has close relationship with Industry Associations of Surgical Profile; joint meetings have been already held with: the Associations of Oncologists, Radiologists, Interventional Radiologists, Bloodvessels Surgeons, Proctologists, Transplant Surgeons and the Associations of Aesthetic and Reconstructive Surgery.

In five regions of Georgia were created the branches of the Society, which significantly contributed to popularization of the modern surgery in the cities and regions of the country and their introduction.

For the particular merit in development of practical and scientific surgery French Professor Ebaa Sabri, and Georgian honoured surgeons, Professors: Tina Urushadze and Besik Iashvili are elected as honoured members of the Society.

2014 წლის 24 ოქტომბერს ჩატარდა საქართველოს აკად. გრ. მუხაძის სახ. ქირურგთა სამეცნიერო საზოგადოების დამფუძნებელი კრება. კრება გახსნა და ინფორმაცია გააკეთა საინიციატივო ჯგუფის ხელმძღვანელმა პროფ. გურამ ტატიშვილმა. მან აღნიშნა რომ საქართველოს ქირურგთა სამეცნიერო საზოგადოება დაარსდა დიდმა ქართველმა ქირურგმა გრიგოლ მუხაძემ 1933 წელს პარალელურად 1957 წელს დაარსდა გრ. მუხაძის სახ. ქირურგთა თბილისის საზოგადოება. ორივე საზოგადოება წლების მანძილზე ეწეოდა ნაყოფიერ მოღვაწეობას. 2000 წლიდან ამ საზოგადოებების მუშაობა შეწყდა. ამრიგად გამოთქვას პროფ. გ. გიორგობიანი; პროფ. მ. კილაძე და სხვებმა, სულ 12 გამომსვლელმა.

კრებამ ერთხმად დაადგინა:

1. საქართველოს ქირურგთა სამეცნიერო საზოგადოების მუშაობის აღდგენა

2. საზოგადოებას ეწოდოს დიდი ქართველი ქირურგის აკადემიკოს გრიგოლ მუხაძის სახელი.

3. საზოგადოების მუშაობის არეალი განისაზღვროს როგორც თბილისის ისე ქვეყნის რეგიონების მასშტაბით.

კრებამ ერთხმად აირჩია საზოგადოების გამგეობა საინიციატივო ჯგუფის შემადგენლობით: პროფ. გ. ტატიშვილი /თავჯდომარე/ პროფ. მ. კილაძე პროფ. გ. გიორგობიანი /თავჯდომარის მოადგილეები/ პროფ. თ. ჩხიკვაძე. პროფ. გ. თომაძე, პროფ. ბ. ჩაკვეტაძე, პროფ. გ. დათუაშვილი /სწავლული მდივანი/.

საქართველოს აკად. გრ. მუხაძის სახელობის ქირურგთა სამეცნიერო საზოგადოება 2014 წლის 1 დეკემბერს დარეგისტრირდა საჯარო რეესტრის ეროვნულ ბიუროში, როგორც არასაწარმო, არაკომერციული იურიდიული პირი რეგისტრაციის N B14111462.

საზოგადოებას აქვს მჭიდრო კავშირი დარგობრივ ასოციაციებთან, რომლებთანაც ქირურგებს აქვთ პრაქტიკული და მეცნიერული კავშირები. უკვე ჩატარებულია ასეთი ერთობლივი სხდომები: ონკოლოგიების, რადიოლოგიების, ინტერვენციული რადიოლოგიების, სისხლძარღვთა ქირურგიების, პროქტოლოგიების, ესთეტიკური და რეკონსტრუქციული ქირურგიის და ტრანსპლანტოლოგთა ასოციაციებთან.

2015 წლის თებერვალში ქ.ქუთაისში ჩატარდა ქალაქის და იმერეთის რეგიონის ქირურგთა კრება. კრებამ მოისმინა საზოგადოების თავჯდომარის პროფ. გ.ტატიშვილის მოხსენება საზოგადოების ამოცანებზე, რეგიონის ქირურგების ჩართულობაზე.

კამათში მონაწილეობა მიიღო 9 ქირურგმა, რომლებმაც ისაუბრეს რეგიონის ქირურგთა მუშაობის საჭირობოროტო საკითხებზე და საზოგადოების როლზე არსებულ ხარვეზთა გამოსწორების საქმეში.

კრებამ მიიღო გადაწყვეტილება უახლოეს მომავალში ჩატარდეს ქუთაისის და იმერეთის რეგიონის ქირურგთა ფართომასშტაბიანი შეკრება სადაც აირჩევა საქართველოს გრ.მუხაძის სახელობის ქირურგთა სამეცნიერო საზოგადოების რეგიონის ფილიალის ხელმძღვანელობა.

2014 წლის 30 დეკემბერს საზოგადოებამ თბილისის სამედიცინო უნივერსიტეტთან ერთად ჩატარა გამოჩენილი ქართველი ქირურგის პროფ. თენგიზ ახმეტელის საღამო მისი დაბადებიდან 90 წლისთავთან დაკავშირებით.

2015 წლის 20 თებერვალს თბილისის სამედიცინო ინსტიტუტთან ერთად ჩატარდა ცნობილი ქართველი ქირურგის სერგო ხუნდაძის ხსოვნის საღამო დაბადებიდან 80 წლისთავთან დაკავშირებით.

30 იანვარი 2015 წელი საზოგადოების N 4 სხდომა ჩატარდა ავერსის კლინიკაში სხდომას უძღვებოდა: პროფ. მერაბ კილაძე.

დემონსტრაციები:

1. მცირე ინვაზიური ქირურგიული მეთოდებით ნაოპერაციები საინტერესო ავადმყოფთა პრეზენტაცია.
2. პანკრეასის სხეულის მიდამოს ცისტა: ოპერაცია: ლაპაროსკოპიული ცისტექტომია. პანკრეასის ექინოკოკი. ოპერაცია: ლაპაროსკოპიული ექინოკოკექტომია.
3. ღვიძლის ექინოკოკი. ოპერაცია: ლაპარასკოპიული ექინოკოკექტომია.
4. ელენთის ექინოკოკი. ოპერაცია: ლაპარასკოპიული სპლენექტომია.
5. მეკელის დივერტიკული: ოპერაცია: ლაპარასკოპიული დივერტიკულექტომია.
6. კალკულოზური ქოლეცისტიტი, ქოლედექლითიაზი, მექანიკური სიყვითლე. ოპერაცია: ლაპარასკოპიული ქოლეცისტექტომია, ტრანს-ქოლედექოსკოპია, ქოლედოქის დრენირება.
7. კალკულოზური ქოლეცისტიტი: ოპერაცია: ლაპაროსკოპიული ქოლეცისტექტომია ერთი პორტით.
8. სიმსუქნე მე-4 ხარისხის. ოპერაცია: სლივგასტრექტომია.

მოხსენება: „საქართველოში მცირე ინვაზიური და ენდოვიდოქირურგიის განვითარების ისტორია და მომავლის პერსპექტივები.“ პროფ: მერაბ კილაძე მცირე ინვაზიურ ქირურგთა ასოციაციის პრეზიდენტი. კლინიკა „კარაპს მედლაინი“

2015 წლის 2 მარტს ჩატარდა საზოგადოების N 5 სხდომა

სამედიცინო უნივერსიტეტის აუდიტორიაში. საქართველოს ონკოლოგიების, რადიოლოგიებისა და სიხლ-

ძარღვთა ქირურგების ასოციაციებთან ერთად.

სხდომას უძღვებოდა პროფ. გ. გიორგობიანი მოხსენებები: ონკოლოგიურ პაციენტთა ქირურგიული რეაბილიტაციის, ინტერვენციული რადიოლოგიის კონცეფციის, ონკოლოგიში ჰიბრიდული ოპერაციების და ონკოლოგიური პრობლემების სხვა აქტუალური საკითხები.

მომხსენებლები: პროფ; კ. მარდაღიშვილი, პროფ; მ. მიზანდარი; პროფ; კ. ქუნთელია.

27 მარტი 2015 წელი საზოგადოების N 6 სხდომა ჩატარდა ავერსის კლინიკაში. სხდომას უძღვებოდა: პროფ. თ. ჩხიკვაძე

დემონსტრაცია: „საინტერესო შემთხვევები“. გ. კოსმანი „ენდოქირურგიის ცენტრი“.

მოხსენება: „გიგანტური ვენტრალური თიაქარების (ინციზური) მკურნალობის თანამედროვე ასპექტები.“ პროფ.: გ. გიორგობიანი. „ავერსის კლინიკა“.

მოხსენება: „მუცლის კედლის თიაქარების მკურნალობის თანამედროვე პრინციპები და მეთოდები.“ პროფ. თენგიზ ჩართოლანი; „ენდოქირურგიის ცენტრი.“

24 აპრილი 2015 წელი საზოგადოების N 7 სხდომა ჩატარდა ავერსის კლინიკაში კოლოპროქტოლოგთა ასოციაციასთან ერთად სხდომას უძღვებოდა პროფ. ბ. ჩაკვეტაძე

დღის წესრიგი

დემონსტრაცია: თანდაყოლილი გიგანტური პიგმენტური ხალის ერთმომენტის ქირურგიული მკურნალობის შემთხვევა პროფესორი; ირ.ნადირაძე, პროფ; გ.ქაშიბაძე. „კლინიკა გიდ-მედი“

მოხსენება: „ანორექტალური არაონკოლოგიური დაავადებების მკურნალობის თანამედროვე მიდგომები. პროფ: ბორის მისლოვატი /ისრაელი/ მოხსენება ეფუძნება თელავის სპეციალისტების სამედიცინო ცენტრის და აშარონის საავადმყოფოს ქირურგიული კლინიკის 20 წლიან გამოცდილებას.

მოსმინეს პროფესორ გელა მუხაშვილის ინფორმაცია კოლოპროქტოლოგიის ცენტრის მუშაობის შესახებ.

აქვე ჩატარდა პროფესორ გია მუხაშვილის მიერ ნათარგმნი კოლოპროქტოლოგიის სახელმძღვანელოს და მონოგრაფიის პრეზენტაცია და ამ წიგნებით საზოგადოების ახალგაზრდა წევრების და სტუდენტების დაჯილდოვება.

29 მაისი 2015 წელი საზოგადოების N 8 სხდომა ჩატარდა ავერსის კლინიკაში. სხდომას უძღვებოდა: პროფ. გ.გიორგობიანი ინფორმაცია: საზოგადოების ბეჭდვითი ორგანოს (პირობითად) საქართველოს ქირურგიის მაცნე“) დაარსებისათვის გასატარებელ ღონისძიებათა შესახებ. პროფესორი: გურამ ტატიშვილი.

დემონსტრაცია: საყლაპავის აბდომინური სეგმენტის კიბოს წარმატებული ქირურგიული მკურნალობის შემთხვევა. ზ.ზედგენიძე, დ. გიორგაძე, ნ.კინკროშვილი; „კლინიკა მედულა.“

მოხსენებები:

„გასტროფოფაგური მიდამოს არასიმპტომური დაავადებების ლაპარასკოპიული და ლია ტრადიციული ქირურგიული მკურნალობის ოპტიმიზირება“. დავით ელგენდაშვილი. კლინიკები ” გიდმედი“ და ”კარაპს მედლაინი“

„საყლაპავი მილის ენდოსკოპიური სტენტირება თვითგამწელები სტენტებით პროფესორი“: თამაზ სულიკაშვილი“ ავერსის კლინიკა“

26 ივნისი 2015 წელი საზოგადოების N 9 სხდომა სხდომა ჩატარდა ავერსის კლინიკაში, სხდომას უძღვებოდა; პროფ: კ. ყიფიანი

ინფორმაცია: ქირურგიის პერიოდული სამეცნიერ-

რო შურნალის გამოცემისათვის გასატარებელი ღონისძიების შესახებ პროფესორი: გურამ ტატიშვილი, შურნალის რედაქტორმა პროფ: დავით ჯიქიამ გააკეთა პრეზენტაცია შურნალის სტრუქტურის, ფორმატის, დიზაინის შესახებ და წარმოადგინა ის მოთხოვნები რომლებიც უნდა გაითავალისწინოს სამეცნიერო ნაშრომის ავტორმა.

დემონსტრაცია: „საყვავილის დიფარგმული ხვრელის თიანჭის პროთეზირებადი ჰერნიოპლასტიკა“. პროფესორი: თ. გვენეტაძე „ავერსის კლინიკა“

მოხსენება: „მაგისტრალური სისხლძარღვების დაზიანების ქირურგიული მკურნალობის საკითხები“--- პროფესორი: თ.კოპაძე, მ.ბოცვაძე, გ.უბილავა, შ.გალახოშვილი, ა.კვაჭაძე, ო.ბუაჩიძე, (მომხსენებელი თ.კოპაძე). „სისხლძარღვთა ქირურგიის ცენტრი“.

მოხსენება: „პროტექციით გამოწვეული მტევნის ტრავმები: პროფესორი“: თ.კოპაძე, თ.გურჯიძე, ვ.საჯაია, ზ.ავალიანი, რ.ლომინაძე. (მომხსენებელი თ.გურჯიძე) „სისხლძარღვთა ქირურგიის ცენტრი.“

25 სექტემბერი 2015 წელი საზოგადოების N10 სხდომა ჩატარდა ავერსის კლინიკის სხდომათა დარბაზში. საქართველოს რეკონსტრუქციული და ესთეტიკური ქირურგიის ასოციაციასთან ერთად სხდომას უძღვებოდა; პროფ. ი.კუზანოვი

დემონსტრაცია: „წვრილი ნაწლავის ჯორჯლის დესმოიდური სიმსივნის იშვიათი შემთხვევა მედიცინის მეცნიერებათა კანდიდატი ვიქტორ ნადარაია- (ქ. მოსკოვი, 71-ე საავადმყოფოს მთავარი ექიმის მოადგილე ქირურგიის დარგში, რუსეთის ფედერაციის დამსახურებული ექიმი).

მოხსენებები:

„თანამედროვე მიდგომები მტევნის რთული პოსტრავმული დაზიანებების დროს“ თეიმურაზ გურჯიძე (ქ.თბილისი, „ავერსის კლინიკა“).

„ახალი მიმართულებები და მეთოდები პლასტიკურ და ესთეტიკურ ქირურგიაში“ ებაა საბრი, პროფესორი: (პარიზი-ალმას კლინიკა).

წლების მანძილზე ქართველ ქირურგებთან ნაყოფიერი თანამშრომლობის გათვალისწინებით პროფესორი: ებაა საბრი არჩეულია საქართველოს გრ. მუხაძის სახ. საზოგადოების საპატიო წევრად და გადაეცა სათანადო დიპლომი.

ცნობილი ქართველი ქირურგი მედიცინის აკადემიური დოქტორი თინა ურუშაძე ქირურგიაში ხანგრძლივი და ნაყოფიერი კლინიკური, პედაგოგიური და სამეცნიერო მოღვაწეობის გათვალისწინებით არჩეულ იქნა საქართველოს გრ.მუხაძის სახ.ქირურგთა სამეცნიერო საზოგადოების საპატიო წევრად და გადაეცა სათანადო დიპლომი.

30 ოქტომბერი 2015 წელი საზოგადოების N 11 სხდომა სხდომა ჩატარდა ავერსის კლინიკაში მიძღვნილი ცნობილი ქართველი ქირურგიის, პროფესორ ირაკლი მგალობლიშვილის გახსენებისადმი, დაბადებიდან 100 წლისთავთან დაკავშირებით. სხდომა უძღვებოდა: პროფ. გ. ტატიშვილი.

დღის წესრიგი:

პროფ: „ირაკლი მგალობლიშვილის ცხოვრების და მოღვაწეობის ძირითადი ასპექტები.“ პროფ; გ. მგალობლიშვილი

დემონსტრაცია: „ფაშვის ღეროს კომპრესიული სინდრომის ლაპარასკოპიული ქირურგიული მკურნალობა“. პროფესორი: მ.კილაძე „კლინიკა კარაპს მედიცინა“

მოხსენება: „პროთეზირებადი ჰერნიოპლასტიკების შემდეგ განვითარებული მამაკაცთა უშვილობის

პრევენციის მეთოდი“ თამაზ გვენეტაძე მედიცინის აკადემიური დოქტორი. „ავერსის კლინიკა“

27 ნოემბერი 2015 წელი საზოგადოების N 12 სხდომა ჩატარდა ავერსის კლინიკის სხდომათა დარბაზში საქართველოს ტრანსპლანტოლოგთა ასოციაციასთან ერთად. სხდომას უძღვებოდა. საქართველოს ტრანსპლანტოლოგთა ასოციაციის პრეზიდენტი: პროფ. გია თომაძე

დღის წესრიგი

მოხსენებები:

1. „ღვიძლის გადაწვევა ცოცხალი დონორიდან. შემთხვევის ანალიზი“: კ.შანავა, ნ.უბირია. ი.გელაშვილი
2. ღვიძლის ანატომიური რეზექციის ჩვენი გამოცდილება. კ.შანავა, ნ.უბირია, ი.გელაშვილი. „ავერსის კლინიკა“
3. ღვიძლის წარმატებული ტრანსპლანტაციის პირველი გამოცდილება საქართველოში.-პროფ. კ. ქაშიბაძე, პროფ. გ.თომაძე, ალფონსო რეკორდარე, ლევან გოგიჩაიშვილი. ბათუმის ცენტრალური საავადმყოფო
4. „ჩვენი კლინიკის გამოცდილება თირკმლის გადაწვევაში:“ მ.ლონაძე, ლ.ლაგვილავა, გ.ფინჩიაი /კერისთავის სახ. ქირურგიის ეროვნული ცენტრი/.

25 დეკემბერი 2015 წელი საზოგადოების N 13 სხდომა ჩატარდა ავერსის კლინიკის სხდომათა დარბაზში. სხდომას უძღვებოდა პროფ. გურამ ტატიშვილი.

დღის წესრიგი

1. დისკუსია ქვეყნის ქირურგიულ სამსახურში არსებულ ხარვეზებზე და მათ აღმოსაფხვრელად გასატარებელ ღონისძიებებზე.
2. საქართველოს აკად. გრ. მუხაძის სახ. ქირურგთა სამეცნიერო საზოგადოების მუშაობის 1 წლის ანგარიში. პროფ: გ. ტატიშვილი.

დისკუსიის მიზანი ჩამოაყალიბა პროფ: გ. ტატიშვილმა ქირურგთა სამეცნიერო საზოგადოების გამგეობას განზრახული აქვს 2016 წელს საზოგადოების გაფართოებულ სხდომაზე მოიწვიოს საქართველოს შრომის, ჯანმრთელობის და სოციალური დაცვის სამინისტროს ხელმძღვანელები, რათა მათთან ერთად დავსახოთ ქვეყნის ქირურგიული სამსახურის ეფექტურობის გაზრდის კონკრეტული ღონისძიებები.

ამიტომ ეს სხდომა შეიძლება ჩაითვალოს ამ უმნიშვნელოვანესი ღონისძიების მოსამზადებელ ეტაპად. და გახდება თვალსაჩინო ტესტი თუ ვის რა ხარისხით ალელვებს ქართული ქირურგიის მომავალი. მერწმუნეთ პრობლემები ბევრია.

ჩვენი საზოგადოების გამგეობა მოკლედ წარმოგიდგენთ პრობლემის ჩვენებურ ხედვას, ხოლო თქვენი აქტიური ჩართვა დისკუსიაში მოგვცემს საშუალებას ეს ხედვა გაფართოვდეს, გახდეს უფრო დახვეწილი, კონკრეტული და მისადაგებელი ქვეყნის ყველა რეგიონისათვის. ამ დღეს უნდა ჩამოვყალიბდეთ რა გვინდა, რის მოგვარებაა უპირველესი და რაში გვჭირდება სამინისტროს თანადგომა.

დისკუსიაში მონაწილეობა მიიღეს:

პროფესორი გია თომაძე — ტრავმატოლოგიის და გადაუდებელი ქირურგიის ზოგად ქირურგიული დეპარტამენტის ხელმძღვანელი. ტრანსპლანტოლოგთა ასოციაციის პრეზიდენტი. ონკოქირურგია: თემურ ქემუკლიძე.

პროფესორი მამუკა გოლეითანი.

პროფესორი გიორგი გვახარია-ხეჩინაშვილის სახელობის საავადმყოფო დირექტორის მოადგილე და ქირურგიული სამსახურის ხელმძღვანელი.

ზუგდიდის ცენტრალური საავადმყოფო; ქირურგი ზვიადი თოლორაია.

პროფესორი ბუჭა არჩვაძე.

პროფესორი გიორგი გიორგობიანი: ავერსის კლინიკური დირექტორი.

მერაბ ერემიშვილი ქუთაისის რეგიონალური საავადმყოფოს ქირურგიული სამსახური ხელმძღვანელი: გ.ხუციშვილი-მედიკოსთა ლიგის ხელმძღვანელი.

გივი ლობჯანიძე ლაგოდეხის ზოგად ქირურგიული კლინიკა „კელაპტარი“ ქირურგიული სამსახურის ხელმძღვანელი.

საქართველოში თერმულ დაზიანებათა მკურნალობის, კომბუსტოლოგიის დაარსების და განვითარების, მკურნალობის ახალი ქირურგიული მეთოდების დანერგვის საქმეში გაწეული. განსაკუთრებული ღვაწლისათვის პროფ: ბესიკ იაშვილი არჩეულია გრ. მუხადის სახ. ქირურგთა სამეცნიერო საზოგადოების საპატიო წევრად და გადაეცა სათანადო დიპლომი.

აქვე ჩატარდა პროფ: ბესიკ იაშვილის 2015 წელს გამოცემული ფუნდამენტალური მონოგრაფიის „თერმული დაზიანებები და პლასტიკური ქირურგია“ პრეზენტაცია და ამ წიგნებით საზოგადოების წევრი ახალგაზრდა ექიმების და სტუდენტების დაჯილდოვება.

ქვეყნის რეგიონებთან საზოგადოების თავჯდომარის და ოპერატიული კავშირის მიზნით საქართველოს გრ.მუხადის სახ.ქირურგთა სამეცნიერო საზოგადოებამ საანგარიშო პერიოდში შექმნა საზოგადოების ფილიალები.

ეს სხდომები ჩატარდა საკმაოდ კარგ ორგანიზაციულ დონეზე, ყველა სხდომას ესწრებოდნენ საზოგადოების გამგეობის წევრები, კეთდებოდა საინტერესო მოხსენებები.

ქუთაისის და იმერეთის რეგიონის ქირურგთა სხდომას ესწრებოდნენ ამ ზონის ქალაქების, რაიონული ცენტრების წამყვანი ქირურგები და ქუთაისის საკრებულოს ხელმძღვანელობა.

სხდომა გახსნა და საზოგადოების მუშაობის პრინციპებზე ისაუბრა პროფ: გ. ტატიშვილმა, მოისმინეს ორი სამეცნიერო მოხსენება:

1. საზოგადოების თავჯდომარის მოადგილის: პროფესორ გიორგი გიორგობიანის. „მწვავე პანკრეატიტის მკურნალობის თანამედროვე გაიდლაინის შესახებ.“

2. ქუთაისის კლინიკების მასალაზე პროფ: ო.ლიბრადის, პროფ: მ.ერემიშვილის, დ.თევდორაძის, და კ.მეშველიანის „კუჭის კიბოს რადიკალური ქირურგიული მკურნალობის ტექნიკური ასპექტები“.

სხდომამ საქართველოს გრ.მუხადის სახ.ქირურგთა სამეცნიერო საზოგადოების ქუთაისის და იმერეთის რეგიონის ფილიალის ხელმძღვანელად ერთხმად აირჩიეს ქუთაისის სახელმწიფო უნივერსიტეტის პროფესორი მერაბ ერემიშვილი.

აჭარის და გურიის რეგიონის ქირურგთა შეკრებას დაესწრნენ აჭარის ჯანმრთელობის სამინისტროს და ბათუმის სახ. უნივერსიტეტის ხელმძღვანელები.

საზოგადოების მუშაობის ამოცანებსა და პრინციპებზე ინფორმაცია გააკეთა პროფესორმა გურამ ტატიშვილმა.

ვილმა. მოსმენილ იქნა სამეცნიერო მოხსენებები:

1. პროფესორი აკაკი ბერიძე „ღვიძლის ჰამანგიომების ქირურგიული მკურნალობის ჩვენი გამოცდილება“ /ბათუმი/.

2. საზოგადოების თავჯდომარის მოადგილე: პროფ: მერაბ კილაძე-„პანკრატო-დუოდენალური რეზექციები და მისი ვარიანტები“. /თბილისი/.

3. პროფესორი ვაჟა თედორაძე „ღვიძლის ქირურგიული ანატომია“. /ბათუმი/.

4. პროფესორი კახა ქაშიბაძე. „საქართველოში ღვიძლის პირველი გადანერგვის გამოცდილება“ /ბათუმი/.

საქართველოს გრ.მუხადის სახ. ქირურგიულ სამეცნიერო საზოგადოების აჭარისა და გურიის რეგიონის ფილიალის ხელმძღვანელად ერთხმად არჩეულია ბათუმის სახ.უნივერსიტეტის პროფესორი ვაჟა თედორაძე, ხოლო საპატიო თავჯდომარედ ღვაწლმოსილი ქართველი ქირურგი და საზოგადო მოღვაწე პროფესორი აკაკი ბერიძე.

ზუგდიდის, სამეგრელო-ზემო სვანეთის რეგიონის ქირურგთა სხდომას საზოგადოების გამგეობიდან ესწრებოდნენ პროფესორები გურამ ტატიშვილი, ბორის ჩაკვეტაძე და ჟურნალის რედაქციის სწავლული მდივანი ლაშა სილოგავა, რომლებმაც სხდომის მონაწილეებს გააცნეს საზოგადოების მიზნები, ამოცანები და გამოსაცემად გამიზნული ჟურნალის სტრუქტურა.

კრების მონაწილეებმა საქართველოს გრ.მუხადის სახ. ქირურგთა სამეცნიერო საზოგადოების, სამეგრელოსა და ზემო სვანეთის რეგიონალური ფილიალის ხელმძღვანელად ერთხმად აირჩია პროფესორი როლანდ ახალაია.

საზოგადოების ქვემო ქართლის ფილიალის პირველი სხდომა ჩატარდა ქალაქ რუსთავში.

საზოგადოების თავჯდომარემ პროფესორმა გურამ ტატიშვილმა და ჟურნალის სწავლულმა მდივანმა ლაშა სილოგავამ ისაუბრეს საზოგადოების და ჟურნალის სტრუქტურაზე, მათ მიზნებსა და ამოცანებზე, პრაქტიკულად მომუშავე ექიმების საზოგადოების მუშაობაში აქტიური ჩართულობის მნიშვნელობაზე.

სხდომამ ქირურგმა გონა კინწურაშვილმა წარმოადგინა საკუთარი პრაქტიკიდან იშვიათი საინტერესო შემთხვევა: „პელვიორექტალური პარაპროქტიტი გართულებული ანაერობული ინფექციით“.

პროფესორმა ბუჭა არჩვაძემ წარმოადგინა მოხსენება:

„ცენტრალური თიაქრების ახალი მეთოდიკა“.

დისკუსიაში მონაწილეობა მიიღო ხუთმა ქირურგმა.

კრებამ ერთხმად აირჩია ქირურგი გონა კინწურაშვილი საქართველოს გრ. მუხადის სახელობის ქირურგთა სამეცნიერო საზოგადოების ქვემო ქართლის ფილიალის ხელმძღვანელად.

უახლოეს მომავალში გათვალისწინებულია მსგავსი შეკრების ჩატარება ქართლის და კახეთის რეგიონებში.

საზოგადოების თავჯდომარე პროფესორი გურამ ტატიშვილი